



UNIVERSITÄTS-  
BIBLIOTHEK  
PADERBORN

## **Concilia Provincialia Mediolanensis Sex**

**Borromeo, Carlo**

**Venetiis, 1602**

De funere Episcopi, & Metropolitanani.

---

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

## De Funere Episcopi, &amp; Metropolitanī.

S V M M A R I V M.

1. Episcopo mortuo, quod officium Capituli Cathedralis. 3. 4.
- Eiusdem negligentia in eo, à quo coercenda. 8.
2. Quod item Episcopi vicinioris officium.
- Eiusque negligentia à quo punienda. 7.
- Episcopum mortuum, qui efferant. De funerib. & c. 16.
5. Cerei quot accendendi in eius funere, & cuius sumptibus. 6.
9. A quibus Missa pro eodem defuncto celebranda.
10. Parochi Diocesani, vt pro eo. Missam celebrent, à quo admonendi.
11. Populus, vt etiam pro eodem oret, à suo Parocho admonendus.
12. Anniversaria, vbi, & quamdiu pro illo, cuiusque impensa agendum.
- Archiepiscopi clavis, cui, Episcopo mortuo, tradenda. De Archiepis. nu. 3.
- Metropolitani funus, qua cerimonia peragendum. De vita & honore Episcopi. nu. 59.

7. De Funere Episcopi.

I. **U**num sanctorum Patrum institutum ad celebrandas Episcoporum exequias, iamdiu intermissum, reuocantes, statuimus,



Vt Episcopo mortuo, vel morti proximo, tres primi de Capitulo praesentes vicinum Episcopum, vel eo impedito, alium inuident, qui statim veniat, ac si viuum Episcopum inuenerit, accuratissime consoletur, & ea officia praestet, quae ad animae salutem tali tempore requirantur.

2. Mortuum vero vnà cum Saeculari, & Regulari Clero solènti more ad sepulchrum profequatur.

Nihil autem Episcopus, pij huius officij gratia, impense, vel quouis alio nomine à quoquam exigat, vel spontè oblatum accipiat.

Eius tamen expectationis causa corpus Antistitis nè amplius quadraginta horis insepultum iaceat.

3. Interea vero curet Capitulum, vt custodiatur corpus, & circum ipsum frequentes ex Clero sint, qui pro eius anima preces Deo faciant.

Sess. 24. c. 1. de ref.

4. Eidem Capitulo hoc munus iniungimus, vt primo quoque tempore.



potere Prouinciales Episcopos omnes de Episcopi morte faciat certiores, qui in Ecclesijs Cathedralibus Missam solemnem ceremoniam pro eius anima celebrandam curabunt: & publicis supplicationibus, ac precibus indictis, Deum pie, sancteque deprecabuntur, ut orato regi Pastorem dare velit iuxta consuetudinem.

5.6 In exequijs eius plures viginti quatuor. cereis non accendantur, idque impensa vacantis Ecclesie, nisi extent defuncti bona; vel alius sit, qui de iure, aut consuetudine sumptum facere debeat.

7.8 Episcopi negligentia in Comprovincialis Episcopi funere à Synodo Prouinciali; Canonicorum, & Clerici, à successore Episcopo grauiter puniatur.

9 Sicut Episcopus, dum in vita est, sanctae pastoralis sollicitudinis studio debet salutem animarum inuigilare, ita illud cum omni ratione coniunctum est, ut, post eius obitum ecclesiastici ordinis homines, & laici item, quorum cura, gubernationique Pastoralis praesuit, grata, piaque memoria episcopales vigilias, ac labores, quibus ille in eo munere gerendo perfunctus est, prosequantur, pro illius anima in primis Deum religiosè precantes.

4. De fun. & exeq.

Quamobrem praeter ea, quae de Episcoporum exequijs primo Concilio Prouinciali sancita sunt, hoc etiam decernimus, ut Parochi, & Sacerdotes singuli, tum urbani, tum Diocesani, ubi primum de obitu Episcopi sui nuntiatum est, nouem singulis post eum nuntium diebus quibus per Ecclesiastici officij ritum potest, Missam de mortuis pro illius anima celebrent: aut saltem statim pro defuncto Episcopo orationem dicant, ut in aeterna recipiatur tabernacula.

10 Capituli verò sit, de Episcopi obitu, Diocesanos Parochos certiores quam primum facere, eosdemque huius officij monere.

11 Populus itidem pro paterna sollicitudinis, charitatisque officijs, quae ille viuus pro omnium salute praestitit, hoc communi parenti mortuo reddat, ut religiosis precibus, aliisque pijs suffragijs illius animam adiuuet. Ad quam sanè rem suum quisque populum Parochus, cum usu venit, ijs praesertim nouem diebus hortetur accuratè, ac diligenter.

11 Sacra anniuersaria pro mortuo Episcopo quotannis fiant in Cathedrali Ecclesia; quamdiu proximus eius successor in Episcopatu uixerit, uiuentis Episcopi, & Capituli sumptibus.

1. de fun. Episcopi.

**De Officijs, & Annuersariis defunctorum.**